



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01 _____
Datum: _____ 2016. godine

PRIJEDLOG

Na osnovu člana 2. Zakona o osnovama sigurnosti saobraćaja na cestama Bosne i Hercegovine („Službeni glasnik BiH” broj 6/06, 75/06 i 44/07) i člana 14. Statuta Općine Tešanj („Službeni glasnik Općine Tešanj” broj 11/07), Općinsko vijeće Tešanj na svojoj ___ sjednici održanoj dana _____ 2015. godine d o n o s i

ODLUKU

o izmjenama i dopunama Odluke o organizaciji i sigurnosti saobraćaja na cestama

Član 1.

U Odluci o organizaciji i sigurnosti saobraćaja na cestama („Službeni glasnik Općine Tešanj“ broj: 3/10, 1/12, 10/14 i 4/15) član 13. mijenja se i glasi:

- (1) Zabranjuje se saobraćaj za sva vozila u ulici "Titova" od Apoteka "Tefarm" Tešanj do raskrsnice ulica "Ilirski trg" i Trg gazi Ferhad-bega" u vremenu od:
 - radnim danom (ponedjeljak-petak) od 17,00-7,00 sati
 - vikendom (subota-nedjelja) od 11,00-7,00 sati
 - u dane pijace (utorak i petak) od 8,00-12,00 sati i 17,00-7,00 sati
- (2) U navedenoj ulici zabranjeno je parkiranje motornih vozila i saobraćaj za vozila čija ukupna masa prelazi 3,5 t.
- (3) Zabranjen je pristup u ulicu "Titova " iz ulice "Safeta Hadžihasića".

Član 2.

Ova Odluka stupa na snagu osmog dana od dana objavljivanja u „Službenom glasniku Općine Tešanj“.

**PREDSJEDAVAJUĆI VIJEĆA
Senad Subašić, dipl.ecc**

OBRAZLOŽENJE

I PRAVNI OSNOV

- Član 14. Statuta Općine Tešanj („Službeni glasnik Općine Tešanj“ broj 11/07);
- Član 2. Zakona o osnovama sigurnosti saobraćaja na cestama Bosne i Hercegovine („Službeni glasnik BiH” broj 6/06, 75/06 i 44/07).

II OBRAZLOŽENJE

Razlozi za donošenje Odluke o izmjenama i dopunama Odluke o organizaciji i sigurnosti saobraćaja na cestama nastali su nakon rekonstrukcije "Titove" ulice. Inicijativom MZ-e Tešanj, grupe građana i Općinskog vijeća ukazala se potreba za promjenom režima saobraćaja u navedenoj ulici a u cilju bezbjednijeg odvijanja saobraćaja za sve učesnike. Također i Plan revitalizacije i organizacije Stare čaršije i Starog grada Tešanj u ulicama "Titova" i "Trg Gazi Ferhat-bega" u saobraćajnom rješenju predviđa uspostavu Specifičnog režima saobraćaja.

Radna grupa formirana sa ciljem iznalaženja najpovoljnijeg rješenja odvijanja saobraćaja koju su činili predstavnici MZ-e, PS Tešanj, privrednika, stanara, urbanizma i struke iz oblasti saobraćaja, dostavila je zaključke sa rasprave i isti su uvršteni u tekst Odluke.

Imajući u vidu navedeno predlažemo da se Prijedlog Odluke o izmjenama i dopunama Odluke o organizaciji i sigurnosti saobraćaja na cestama usvoji u predloženom tekstu.

OBRAĐIVAČ

Služba za finansije, privredu,
komunalne i inspeksijske poslove

Hamzalija Hojkurić, dipl. ecc.

PREDLAGAČ OPĆINSKI NAČELNIK

Mr. Sc. Suad Huskić, profesor

Broj: 04-02-1-116/16

Datum: 19.01.2016. godine